

皇明疏議輯略

皇明疏議輯畧卷四

君道四

忠益疏

胡世寧

臣以病廢庸才誤蒙聖恩錄用強疾來京途聞陛下  
日御經筵勵精講學臣爲宗社生民喜幸無限舟中無事  
日取舊讀經書擇其切於治道者試爲講義三章到京之  
初即欲封進然思陛下天縱之聖一夜所觀儒林妙選  
之臣經筵所講豈其少此而臣爲此冒瀆豈不取笑天下  
付罪公朝以是躊躇未敢今臣又思昔言野人有食芹而  
美思獻王室者豈爲王室無芹而欲爲獻蓋區區忠愛之

誠不能自己也臣之愚誠實亦類此故敢以獻伏願 皇  
上萬幾之暇特賜省覽終篇如其切於治道更乞留中垂  
意若係妄言非忠批外擬罪臣愚甘當重戮謹開另封進  
呈御覽講義三章大學一章奏誓曰若有一箇臣斷斷不  
無他技其心休休焉其如有容焉人之有技若已有之人  
之彥聖其心好之不啻若自其口出是能容之以能保我  
子孫黎民尚亦有利哉人之有技媚嫉以惡之人之彥聖  
而遠之俾不通定不能容以不能保我子孫黎民亦曰殆  
哉唯仁人放流之並諸四夷不與同中國此爲唯仁人爲  
能愛人能惡人這是大學傳之十章釋治國平天下臨了

這一件大事都不說別的只說要與民同好惡而不專其利者蓋人君好惡不與民同則失了人心便壞了祖宗天下流到子孫禍猶未已所以治國平天下緊要在此一著此引秦誓之言乃是指出兩個當好當惡的人秦誓周書篇名乃秦穆公悔過作此以警戒群臣也斷斷誠一之貌休休易直之貌技謂有能彥是美士聖是通明彥聖謂有德秦誓言若有一個大臣只是老實一心別無他技能本事其心平易正直其度量寬而有容見人之有才能如自己有的的一般歡喜見人之彥聖有德不獨口裏說他好其中心着實愛他處甚於口之所言這個大臣能容得天下

之才德如此人君識此人而信用之則能保其子孫黎民  
尚亦有利尚是庶幾不敢執定之詞孟子孫得他保則能  
世世為君黎民百姓得他保則能箇箇安樂所以有利然  
非這箇大臣一身能如此也由他好賢樂善為得天下許  
多有才德的都來輔佐朝廷行好政事立好法度子孫世  
守不變所以能如此也又有一箇大臣自家非無智能技  
巧但是他立心虛詐不一不能休休有容所以見人之有  
技能者則媚嫉以惡之則是忌嫉亦惡也見人之彥聖有  
德者則阻絕人不許薦他使不得通達於上這箇大臣不  
能容天下之才德如此人君不知而誤用之則不能保其

子孫黎民亦曰危殆孟子孫之殆則不能保其位矣黎民之殆則不能保其生矣此亦非這一箇人便能致此也蓋由此人妬賢嫉能阻遏得善人不許進用其所以引用布列庶位者都是他一樣的好邪小人互相蒙蔽君上顛倒曲直正人被排遠去無敢在朝指言其過者以是任他私意行事害敗害民雖傳到子孫手裏還是他引進的人一向得用一翻過了又引一翻都是這樣人盤結蒙蔽住了雖有一兩箇正人得進朝來被他衆口誹謗同說不好人君亦自難辨雖有英明之君一時辨得亦被他人衆把持住了亦難張主以此子孫黎民之禍有不可勝言者矣前

代人君坐此累其子孫凌夷敗亂者不可勝紀大學引此  
見得前一樣能保子孫黎民是所當好的天下之所同好  
也後一樣不能保子孫黎民是所當惡的天下之所同惡  
也然又慮此媚嫉之人奸深計巧多能結交彌縫以日媚  
於人主左右不忠似忠不廉似廉人君或蔽於私意識他  
不破或牽於姑息去也不得故又謂唯仁人放流之仁人  
即仁君也蓋獨是仁君至公無私故於此媚嫉之人不爲  
私意所蔽能早識他不爲姑息所牽能決去他雖其罪惡  
未著未忍殺他然亦放逐流竄之將他遠置四方變夷之  
地不與同中國蓋恐其近則投間抵隙黃緣復進以妨賢

而病國也此正古語所謂唯仁人爲能愛人能惡人者如此盍能惡人者謂能遠去此媚嫉之人不爲子孫黎民之害公天下之惡而惡之也能愛人者謂能去此惡人則能保全善人使得安心輔佐以爲子孫黎民之利公天下之愛而愛之也故曰民之所好好之民之所惡惡之此之謂民之父母臣按先儒朱子有言小人爲惡千條萬端其可惡者不但媚嫉一事而已仁人不深惡乎彼而獨深惡乎此者以其有害於善人使民不得被其澤而其流禍之長及於後世而未已也今之言者乃徒効人貪慕等事而捨媚嫉不言其故何歟臣又觀秦穆公乃周末一箇強國諸



族其人有何足法但此篇說話說得君子小人之情狀利害極是明白痛快故孔子刪書存此於百篇之末以垂訓後世曾子傳大學文引此於十章之末以爲萬世治國平天下者之昭鑒也臣切見我皇上臨御以來內無聲色貨利之慙外無親近私昵之蔽而惟一意脩德講學勵精圖治孝養均於兩宮憂念存於百姓誠不世出之仁君也今惟鑒此古訓試察在朝大臣有能薦賢而又喜人薦者即秦誓所言前一等人也宜當信用有不肯薦賢而又惟人薦者即秦誓所言後一等人也宜當選逐惟此一事最關治亂惟聖明留意天下幸甚書經一章惟碎作福惟

辟作威惟辟王食臣無有作福作威王食臣之有作福作威王食其害於而家凶於而國人用側頗辟民用僭忒這是周書洪範篇周武王初得天下訪問箕子推行大禹洪範九疇以告之也洪大也範法也謂治天下之大法也昔者大禹治水功成天與神龜出於洛水其龜背上所列文數有九大禹聖人默契天道因而則之以爲九類示萬世人主治天下之大法故曰天乃錫禹洪範九疇箕子推衍至此上言大三德一曰正直二曰剛克三曰柔克者蓋言人君因時制治有是三者作用不同皆所以納天下臣民於皇極者也然是三德非人君自操威福之柄則不能用

故此言唯辟作福唯辟作威唯辟王食唯獨也辟君也福謂凡與人以爵祿使之得福也威謂凡治人以刑罰使之可畏也王食猶全言珍羞盛饌也蓋獨是人君受天明命爲天下主則可以賞人之善用人之賢而與之爵祿使之得福是謂唯辟作福亦獨是人君則可以討人之罪黜人之奸而治以刑罰使之知畏是謂唯辟作威至於王食亦獨是人君居天下之上則可以享天下之奉而食用珍羞尚膳是謂唯辟王食臣謂大臣也大臣則不可以擅作威福僭用王食者故曰臣無有作福作威王食使大臣而有擅作福威僭用王食者則英明之君終必覺察而討其罪

故在大夫必害於家而在諸侯必凶也而國大夫稱家諸  
侯稱國者蓋古人之大夫如今武職者多是世祿家傳僭  
亂則滅其家故曰害於家諸侯如今公侯伯之類多是  
分封有國僭亂則滅其國故曰凶於國而國人謂群臣側不  
正也頗不平也僻不公也若夫豈有作威作威王食而君  
之不覺則凡在群臣因見大位作威福可以趨附他求  
得官祿免得禍患遂皆靡然從風隨俗一種不正不平不  
公之心立爲一種不正不平不公之論以顛倒是非混亂  
曲直而蔽主聰明排斥忠良以爲奸僥倖之徒爲禍下淺  
下而小民亦皆倣效成風過分僭用而不可緘以禮法此

言人臣僭上之患如此臣親見古人君不能總攬威權不  
覺威福漸移臣下而致失天下者多矣然考虞書  
舜典篇載舜命九官而各因其性或各舉論之公或因  
大臣之諫而命之周書大誥篇周公告成王言文王罔攸  
兼於庶言庶獄庶慎惟其用之牧夫是訓用遺則知自古  
賢王進言行賞必先名公衆論用刑勅法必責成於有司  
又若不專以一己之見與此不同者蓋人君一身深處九  
重不能盡識天下之才亦不能盡識天下之事故必先得  
忠賢數人布列卿輔要職以後命德討罪必咨衆論必聽  
有司從公擬上然後人君察其公私可否稱制臨決是雖

先咨衆論而必斷自君上雖斷自君上而皆合乎公論此  
非人君自作威福者如此舜文所行與堯子所言同一揆  
也乃若秦漢唐宋之季中材之君不能知人委用奸相一  
人彼其蒙蔽排斥忠賢無敢直說引用奸邪托爲薦大使  
之攻擊異已以致群臣畏威服勢無敢異見凡其所欲即  
與議奏其挾下奏以欺上則曰衆論所同而不知由其一  
人私主也其挾上以欺下則曰上意所主而不知由其  
半曰從衆也凡善則歸已曰上初不然我勸如是也過則  
歸君曰上所固欲我不能回也大臣一言天下皆信由是  
然皆歸上而恩皆歸下威福予奪皆出其身而主威日削

國勢日去矣此後世臣之有作福作威者然也我太祖  
高皇帝獨秉全智高出千古監前代奸相之弊革去秦漢  
以來丞相之官遠法成周六卿分職之制分設府部寺院  
等衙門以分理天下庶務彼此頡頏不敢相壓事皆朝廷  
總之所以稱當明著祖訓首章以爲子孫萬世之法至  
我太宗文皇帝簡任內閣儒臣日與咨訪政治然彼時  
內閣多是朝廷親選翰林編脩等才猷歷練能識人才  
治體公忠體國者爲之不肯驟加高品至於選入翰林者  
又皆唯才是取不拘內外新舊職事追我仁宗昭皇帝  
宣宗章皇帝朝用亦選委六部尚書如夏原吉等尚世條

旨彼時絕無偏重之勢。然且以前大臣多是祖宗親自  
下僚。職板不論資。終者蓋由日嘗面試。知得明白。所以如  
此。一一得人。及後英宗睿皇帝再登寶位。凡選用卿佐  
重臣。必召吏部尚書王翱與太學士李賢會議。可否彼時  
或用二臣所薦。或由聖意自定。皆稱得人。廷無間議。  
憲宗純皇帝以來。始不召大臣面議。止令吏部會推才望  
相應者二三員。疏名請旨。點用一員。此又上合虞舜命官  
必資四岳詢謀僉同之意也。臣猶記弘治七年間。內閣員  
缺。吏部會推相應六員上請。孝宗皇帝點用位咨取下  
者二員。曰李東陽曰謝遷。都只是詹事等官。不曾驟用。崇



職不知自何年起內閣自加隆重凡職位在先第一入群  
臣尊仰稱爲首相其第二人以下多其薦引隨事附和下  
敢異同延又另立掌 誥勅一頁多自尚書侍郎翰林出  
身者不出衆推首相坐名題本取用後有內閣員缺即令  
推補又不知是何年曾否奏准限定翰林院官必是進士  
第一甲及庶吉士原係內閣取中教養之人爲其門生者  
方得選用吏部不得擬其陞點亦不許攬陞外職使之歷  
練民事稍涉干計辛苦又占定禮部尚書侍郎職事優閑  
者俱是翰林院官做吏部緊要衙門必用翰林一人其餘  
內外官員雖有文學才猷出衆者不許再加 祖宗朝選

入翰林大臣非翰林出身者不許推入內閣是皆私訛相傳設循舊制以欺後進以符衆口下視六卿等官勢分懸絕若其屬吏不敢違抗使後相承入閣者必其門生子弟自相傳授後者未遇感前人之接引前者既老責後人之報施而凡身後贈謚廕子等事不論忠邪一皆預爲已地而盡力爲之至於纂脩書史亦必私其黨類而善惡倒置褒貶任情以是不如祖宗朝選取外官同脩此則自古所無之大弊也近聞吏兵二部選用緊要官職及會推大臣必先用首相所款而後敢擬名奏上法司出外勘事亦必承其意旨而不問虛實任情勘報由是威福予奪盡歸

於此一官矣使得其人皆如先朝楊士奇楊榮楊溥及今  
石琚之忠清楊一清之才識可也不幸而有奸險媚嫉者  
濫其位則彼其排斥忠賢引用兇邪國事日可憂矣 陛  
下試省往年禮部尚書賈缺吏部會推賈誼爲首 陛下  
親用席書均之侍如資格不異也席書陞禮部舉朝士夫  
皆以爲非而攻擊不已賈誼一時雖未黜陞數月以後首  
相坐名取掌誥勅遂入內閣位居書上安然坐受舉朝畧  
無異議今此二臣日侍左右其忠猷才力 聖明豈有不  
知而何用於 陛下者如此不服用於首相者如彼怙然  
人心所向如此今 陛下採諸輿論斷自宸衷慨然召用

楊一清勉留石琚舉朝欣躍方謂陛下知人善任輔弼  
得人天下之福而言者多方計沮欲以久留一清於邊且  
不欲群臣早推應代一清之人意有所向也群臣奉旨另  
推見任兩負寧受稽違之責而不敢少拂當道之意即日  
推進者勢有所畏也陛下視今威福出於誰乎易因履  
霜遂戒堅氷益以陰比權臣防其勢之漸長也此事忠臣  
有識者深以爲憂故今在內者危迫而不能自安在外者  
畏縮而不敢求進也不然以陛下聖明何古帝王之治  
不可復而天人之心有不順乎今天心儆戒災異頻仍男  
子不假婦而自生不育者喻君無臣欲養萬民而不能也

兩絲者喻上恩澤之降被變而成私也地震者陰不能安  
靜而僭爲陽動臣強之象也 陛下遇災儆懼命其撰勅  
戒諭群臣脩省彼不肯撰者恐群臣或因是而指其失也  
多方陰沮楊一清之進者恐才出其上因而代已也此其  
心迹甚明惟 聖明早加省悟宋社幸甚生民幸甚易經  
一章不出戶庭無咎子曰亂之所生也則言語以爲階君  
不密則失臣臣不密則失身幾事不密則害成是以君子  
慎密而不出也不出戶庭無咎這是周易節卦初九爻辭  
周公所繫本說初九這爻以陽剛得正居節之初猶賢人  
君子在下未有職位且有九二大臣塞遏其前未可以行

能節而止者也故其象占爲不出戶庭則無咎戶庭戶外之庭乃私室無人往來慎密之處也孔子於此又見得古今君臣言語不密以致禍亂故作繫辭又因此文而釋之曰凡禍之所生則言語以爲階階爲梯級由此踏上而漸至者也何以見得言語是生亂之階蓋人君與其忠臣密謀國事君若一時不密而洩其言則所與謀之忠臣必被人怨謗用計殺了所以失其臣臣若一時不密而自洩其言則招人怨謗終必見害乃所以自失其身凡此君臣密說的言語或欲行大政事或欲除大奸惡皆不利於權奸小人不可使知者所謂機密重事也自古權奸之人平日

善於交結必有心腹左右之人爲之探聽使君臣之間一有不密而漏洩其事則臣既見殺君亦被怨國家禍患由此而成是以君子之人務要謹慎周密凡事裁諸其心而不出諸其口使戶庭之間亦無人知也此君子無指君臣上下而言臣觀自古君臣議事不密而致忠臣被殺國家受禍者不能悉紀只如漢成帝時大將軍王鳳專權成帝止欲自用一人左右爭執以鳳未知不可因此主威日削史異屢見成帝乃問師傅之臣如張禹敢諫之臣如谷永輩皆私附王鳳將害異指在別事身上不肯實說以此成帝一向信任王鳳不疑後有京兆尹王章言及成帝召問

感悟遂與章議舉賢代鳳彼時只因言語不密以致王鳳  
知得反行用計左使劾章下獄而死文詠御史劾其所薦  
之人亦致去官以此舉朝怕鳳再出恐敢言王氏者傳至其  
姪遂後漢祚孔子此言真萬世人君謀國之切戒也惟  
聖明器庶甚

條陳興政疏

李承勛

臣惟孔子論政不過曰是食足兵孟軻每語王道亦未嘗  
外耕桑而有商大難行之說是知王者之政莫先於兵食  
取足之道非增兵以耗國也加賦以病民也在審勢而救  
其偏隨事而去其弊耳臣私憂過計足兵之目有四曰選



京軍以壯根本止調棕以實內地足衣糧以卹邊軍振紀  
綱以申軍令就中論之振紀綱爲要紀綱振則三者自肅  
矣足食之目有四曰謹收納以清宿弊使轉輸以甦民困  
定經制以裕國用致中和以感化機就中論之致中和爲  
本致中和則三者不勞而自理矣何謂選京軍以壯根本  
夫京師天下之根本臯宮又京師之根本故若守環列周  
防鍵閉其制甚重將領必付之勲舊世忠之臣卒伍必擇  
其壯勇精練之士器械必兼夫犀利鮮明之器豈徒示觀  
美而已哉蓋居安防危其爲慮深且遠矣臣造朝一月目  
見此輩狀貌勇健而武藝精通者百無一二兵刃不堪用

蓋甲不稱身者十常八九使九州朝貢及四夷來王者見之何以壯國威而恤奸謀哉至於各營之所分隸滿稱百萬開營之所揀選雖十二萬爲將領者果皆召虎亞夫之流而不至有膏梁積帥濫率其間矣乎爲卒徒者果皆膂力絕人一可當十而不至於竄名隱射耗斂於其間矣乎其操習果能得六伐七伐八陣五花法外之意而不至有若霸上棘門之兒戲以玩愒日月矣乎臣皆未得而知也自古武備常弛於承平之久而振於中興之日故殷武車攻雅頌並稱高宗宣王兵戎服遠之美以爲得袍桑之良圖今官軍以勇悍善聞稱者在北則各遠在南則狼土禁

軍之中未聞有力扼虎射命中可以殪壓遠近之邪心者  
失今不治竊恐喪失居重馭輕之權養成尾大不掉之患  
臣誠至愚不能不為盛世憂之昔周勃伏北軍之強乃能  
制產祿之死命李林甫壞府兵之制而范陽之變莫可救  
藥殷鑒不遠忠須預防乞下兵部將宿衛團營官軍將必  
擇忠順勇壯曾經戰陣之人軍必擇少壯有力各精一技  
之士而不致虧原額之數器械必可用盔甲必稱身而後  
給蓋團營較之各營為重而守衛較之團營尤為重也使  
精兵良將萃於京師布列環衛伏大險於至順之中消不  
測於無形之表此即詩之所謂君子萬年保其家邦者也

其他各營之衆汰老弱僞冒以省國儲練習精勇以備次  
撥之選而役占剝削之宿弊一切革去則貧軍不致怨嗟  
逃歸犂鋸之下宿弊一消天下聞之孰不畏服何謂止調  
操以實內地我朝官軍調操之制肇自永樂初年京師兵  
少調發中都大寧山東河南附近官軍輪班上操宣德正  
統以來踵爲故事日益加密除南方各省未暇邊論如河  
南山東南北直隸俱京師咽喉山西陝西又中原形勝要  
地各處官軍或調操於京師或調操於各邊本地無軍可  
守臣皆備員陝西右布政使經過潼關詢其實在軍士不  
過數名驚聞止故始知皆在各邊操備後益入商洛鎮巡

官議欲壯救無軍可遣河南山東直隸武備單弱尤甚以故盜賊縱橫莫可禁禦劉六王鏊足爲前車之戒臣熟知前項調操官軍在京止堪備工作之役在邊則將領給私役而已供饋送而已於國有行糧草料之費於私有賫送科剋之苦而又未嘗得其實用今昔相因以爲舊規而不敢變此軍旅之所以日耗而內地日益空虛者如臣愚計者行糧以在邊食何憂工役之乏以行糧而募土人何慮邊旅之寡通將調操官軍留於本處委官無同民壯精加操練如鄰境有賊則互相策應又或一邊告急則合力赴援如此貧軍無侵剋之害地方得保障之功比之不問

有警無警一脈分派調撥者強弱多寡之勢又不可同年而語此一獎革而數利興者也何謂足衣糧以卹邊軍臣惟戍邊之卒烽火斥堠終歲不休鋒鏑死亡朝夕不保比之京輔之軍勞逸安危何啻百倍近年調取邊軍征剿流賊貫串於河南山東江淮間又久屯京師出入禁地檢見內地軍民安逸脆弱有子女玉帛之供無饑寒危迫之患未免有不均之嘆起羨慕之心萌輕視之志況以各邊撫臣撫處失宜將領剝削日甚往往以衣糧不足嗷嗷於軍門擅殺不忌推求其本軍情之所以易動者因無恒心也恒心之所以失者由衣食不足也臣願 皇上勅下史兵

二部查議各邊撫臣有不宜於邊者急宜置之賢者久任之或由僉都陞副由副陞左右而不輕移動糧餉不足戶部查議給足不許將領剋減令沾實惠而又察其疾苦時其勞遠彼將感恩圖報之恐後何變之足愛如此則邊徼安天下安矣何謂振紀綱以申軍令臣聞紀綱御軍之大柄其機在於賞罰賞罰不明則政令不一政令不一則紀綱不振宋儒朱熹嘗言紀綱在核功罪以公賞罰之施正以此也在昔軍中號令最嚴徵調會期時刻不爽止因正德年間逆彬怙勢曲庇遠軍又因功次不明使賞濫及無功而罰不及有罪是以紀綱漸紊彼此效尤官防緩而始

息之改行軍恃衆而侮慢之態作此風不革譬如人養驕  
子哭即與果雖曰愛之其實敗之臣願 皇上大奮乾剛  
申明軍令選將領而束之以什伍相聯相坐之法明教化  
而導之以親上死長之義嚴上下之分以峻廉遠堂高之  
勢平彼此之怨以消其驕悖跋扈之氣有功必賞有罪必  
刑而痛革姑息之政則威惠並行而紀綱振肅矣易曰豶  
豕之牙吉夫豶豕有由消弭有要不責其克狂於彼而振  
紀綱明教化以潛移之於此則彼之勇健足以爲國牙爪  
而無反噬之足虞此即子路之所謂有勇知方者也何謂  
謹收納以清宿弊州縣夏秋稅糧開倉收受各有定期起



運存留各有定數本色折收加耗災免之類各有定法夫何近年以來上下各官留心國計者名爲俗更用心勞而反得謗怠事奉承者稱爲識時自處逸而獲美稱以此各官鮮肯着實幹事每歲正當冬月收成之後州縣多以會計不定不出由票示民知會細民辦糧交納上司輒將州縣正佐管糧等官或委勤事或責遠遊無人監收多致費耗來年三月以後軍餉已至水次司府管糧官員方下州縣比較嚴刑逼迫窮民去歲所收已空今歲農功又誤或有本色而賣其銀只得半價求售或有銀而賣本色未免稱貸取盈此後時之弊也如每歲七月以前布政司會計

停當明示下司依時收納十月至十二月終止州縣正官  
管糧官不許上司差委以妨監收災傷蠲免務使民沾實  
惠而無黃放白收之謠守巡各官毋蹈往轍於收糧束作  
之際舟輿脚尾既往復來如風如狂以私謁撫按而費其  
夫馬則後時之弊可革也又糧里人戶各有善弱各有豪  
強糧里豪強則以善弱人戶爲食啖加增每遇正額糧  
里善弱則畏刁惡人戶如狼虎縱使拖欠寧鬻產代贖而  
不敢及門上司按臨糧里之豪強者無人敢言而反爲善  
善弱者人易誣執而反受屈惡者愈肆而弱者愈苦此勸  
懲顛倒之弊苟能不避嫌疑虛心推究則此弊可革矣二

獎果革則小民及時完納而東作無妨糧里不致追賤而身家可保完糧之策莫先於此何謂便輸轉以甦民困國家稅糧多仰給東南糧長之設實在收納蘇湖等處糧長所管稅糧既多解納雜費尤甚州縣不才官以糧長爲案察上司過刻官視糧長爲寇讐父軍之類每石大畧包賤七八斗者有之起運白糧每石包賤二三石者有之各衙門黑豆之類每石不過值銀三四錢而他費幾至一兩者有之家有千金之產當糧長一年有卽爲乞丐者矣家有壯丁十餘當糧長一年有卽爲絕戶者矣以致民避糧長之役過於謫戍官府無如之何或有每歲一換之例或爲

數十家朋黨之條始也破一家數歲則沾鄉無不破家矣  
糧長之家既破國課何由可完數十年以來各縣通負動  
數十萬多由於此臣楚產也非爲已地者但宦於東南年  
久目見此弊日甚而不能救不敢不爲 陛下陳之伏乞  
通行兩京內府及部院父運等官上下心同恤民隱本等  
之外毋肆需求敢有故違在外聽撫按在內聽戶部及科  
道等官指實查察若夫豪惡糧里刻害小民有司科派糧  
長上司亦要一體重加懲究庶幾錢糧不致破家亦不敢  
害人而稅糧步完矣何謂定經制以裕國用夫量入以爲  
出是謂仁政量出以爲入是謂軍政既不量入爲出又不

量出爲入雖然而收泛然而用是謂無政考成周之制以  
四分制國用每歲用三存一以備凶荒故三十年之存則  
國有九年之積漢之時則有計相唐之時則有判度支宋  
之時則有判三司皆所以會有無而制國用也近年以來  
戶部雖有會計之虛名而無量入爲出之實政臣愚以爲  
當因其名而舉其實通查一歲天下稅糧所入總凡若干  
經國之費總用若干首兩京次各邊省直隸各府每歲所  
入所出俱查其數分爲二目倣周禮用三以足一歲之  
用存一以備不測之虞萬一所出多於所入則會九卿堂  
上科道官各查凡百費用有約於昔而浮於今者必考昔

之所以約者請而復之又考今之所以浮者請而約之至於  
於衷多益寡之道揆此補彼又在臨時通融議處務使所  
出不踰於入之數通將出入總數繕造黃冊一本進呈以  
備御覽然時有盈虛事有因革每十歲一會而損益之此  
十年一會之大綱也若歲有豐凶事有多少每歲十二月  
戶部會奏各官通查某處災傷蠲免若干某處用兵該用  
若干則以名處在鹽商稅之所入者補足錢糧正額以備  
軍國正支其餘雜用一切不得糜費漢每將所謂大司農  
錢自乘輿不以給其養蓋不以本歲給末用不以民力共  
浮費別公私示正路也經制一定取之有經用之有義而

財恒足矣何謂致中和以感化機昔人有言天下之財不在官則在民今者太倉無數年之積閭閻足食之家既不在官又不在民說者以爲竊於無并耗於奢華似矣而未知其要又以農功奪於雜役失時苟且而水利塘防之制一切不講亦似矣而未探其本臣本世農頗知農事大都年不順成由於雨暘之不時而雨暘之所以不時者實由天地之氣未和也伊訓曰古有夏先后方懋厥德罔有天災子思曰致中和天地位焉萬物育焉益人性本無不善而情之所發有中節不中節之殊不但好惡拂人之性方是不中節於好善惡之中有輕重長短不齊之限

量若察理不精權度微爽未必一一中乎當然之則或當重而輕或當輕而重未能如天地之無心而成化皆未得爲中和之極賢人之學雖顏回不能免此故孔子有克己復禮之訓而宋儒程氏申之曰覺者約其情使合於中臣惟約情合中之說最切於學存存不忘其致中和之切務也歟伏望 皇上聖不自聖益加謹獨之功每於聽政之暇默思一日情之所發大而慶賞刑威小而一顰一笑何者適中輕重之宜何者喜所當喜而未免失之過何者怒所當怒而未免失之不及今日約之明日約之至明以察其幾至健以致其決中和之極既建於此而中和之應自



感於彼何患乎兩賜之不時若而萬物之不得其所乎此  
舉問之極功聖人之能事故臣於篇終敢舉以爲聖明  
獻

陳言疏

姜洪

臣蒙先帝拔擢待罪言略三年於茲無一言裨益時政  
無一言上答國恩尸祿曠官憂慚切至盡忠補過夙夜  
不寧不幸先帝奄弃萬國哀誦遠聞皇上詔復尊極  
未及逾月剛明神武勵精圖治知懷恩以忠見逐即復召  
用知梁芳陳喜常與奸邪誤事俱各斥貶李孜省等三道  
害政罪不容誅皆謫戍遠方施欽等醫業腐流濫玷清班

皆削奪官職又禁番僧方士之妖術罷內府工作之淫巧  
縱放禽鳥并毀珍玩禁造寺觀罷省貢獻皆帝王盛  
德事也人心仰望更化已久而 皇上一旦行之不以爲  
難四方聞之無不以手加額欣欣相賀以爲 聖明天子  
出焉太平指日可待焉臣見人心如此則喜不能勝竝敢  
終志起櫬之恩以虧臣子公忠之道謹舉公事仰贊 聖  
明憊陋狂瞽觸冒忌諱罪誠萬死伏望 聖察一曰正君心  
夫自古天下治亂係君心邪正君心正事事皆正天下莫  
敢不正君心不正事事皆邪雖欲正人亦不可得而正大  
學曰心正而後身脩身脩而後家齊家齊而後國治國治

而後天下平許衡曰心猶印板板正不差雖千萬紙不差  
本既差矣摹之於紙無不差者故人君必心正而後可以  
致天下之治者也然人君一心攻之者衆聲色之麗貨玩  
之奇異端之紛雜便佞之諂諛一爲所溺則不得其正焉  
皇上即位之初清心照理是非不惑心固無不正矣但聲  
色貨利易於溺志異端說謊易於惑人操存之功一有不  
至則乘間伺隙而進清明之天不免爲其所蔽也伏望  
皇上特守此心動靜隱微無時不謹道心爲主人心聽命  
則虛靈常存萬里昭著而治道所出者正矣二曰務聖學  
夫古先聖王爲治之道歷代興亡治亂之迹用人立政之

方愛民利物之術皆載諸經史人君必學而知之則法古  
爲治鑒古爲戒所好所欲自然不離於正理而王道王化  
所由以成也若不學則正理不明心志不定多聽易惑守  
善不固雖欲言治苟焉而已書曰人求多聞時惟建事學  
於古訓乃有獲又曰念終始典於學厥德脩罔覺故自古  
人君未有不學而能致治化之隆也然學問之道不可間  
斷一暴十寒亦爲無益近年雖設經筵而寒暑之外舉行  
不過數次開卷之時解釋不過數行講官無旬累月不蒙  
詔對以此而欲盡學問之功求爲治之方恐亦不可得焉  
皇上聰明睿哲超越千古正宜及時講學以隆一代治化

當妙選儒臣日御經筵無畏勞苦無間寒暑上至六經下  
至史鑑取其節要有關治道者善惡皆講勸懲皆知辨析  
幾微禮畢方退又常輪流直日以備顧問則日就月將聖  
智益明王猷允塞矣三曰納諫諍夫人君統臨天下深居  
九重聞見不出闕庭必開言路以廣耳目則下無隱情上  
無壅聽奸宄不生禍亂不作若君惡直言諫臣杜口則奸  
邪肆志蒙蔽聰明養成禍患以壞天下故大舜告廟即位  
之初先明四目達四聰高宗宅憂亮陰之後傳說告以木  
從繩則正后從諫則聖此自古帝王皆以從諫爲首務也  
我太祖高皇帝欲廣耳目以防壅蔽建議科道之官專

任言路之責未聞有惡其言之直切而罪之也近年御前  
奏事之例既廢群臣大小章疏皆出內批通政司每日惟  
撥拾四方小事以應故事科道官皆却立伏下隨班而退  
不得從容面陳忤旨往往披櫪殿庭或貶斥遐荒夫好  
生惡死人之常情誰肯進言以蹈危機由是中外顧忌以  
言爲諱上下之情不通久矣皇上即位之初正宜開闢  
言路恢弘治道然詔書無諸人言事之條有科道風聞言  
事之禁使人各生畏忌不敢盡言又進士李文祥言雖狂  
妄志在納忠聖治之初宜示優容遽加斥逐聞者駭愕臣  
謂此決非皇上之意夫忠言者乃國家之福非人臣

之利也

明主何謂不樂聞之此必有內外大臣懷奸不

忠畏

皇上威明恐人言攻擊欲先以緝人口也伏望

皇上鑒復霜堅冰之漸防大臣壅蔽之萌體

祖宗求言

之心開御前奏事之例科道言官小事封章進呈大事面  
論廷諍至於大小群臣有事亦當蒙召對經筵講官不時  
尤宜咨訪則下情上通事不敢欺百寮震悚庶政允釐矣  
四曰辨邪正夫國家治道否泰係君子小人進退君子聚  
於朝則奸黨息政事清明而治道泰小人聚於朝則朋黨  
相比濁亂政事而治道否書曰元首明哉股肱良哉庶事  
康哉夫元首雖明而股肱不良亦難以致政事之康也伏

觀 皇上即位未久求治甚切而內外大臣奸邪者多何  
以致維新之政也如先經科道糾劾某某數輩中外目爲  
邪黨戶祿曠官曾無寸補 皇上若以先朝舊臣不忍謫  
竄亦當罷其政柄放回田里以爲臣下不忠之戒焉夫十  
室之邑必有忠信堂堂天朝豈乏正士切見兵部致仕尚  
書王恕王竑吏部尚書李秉俱才德高茂志節忠貞去任  
翰林院侍講謝鐸編脩張元楨檢討陳獻章行人司副在  
臬僉事章懋詳事黃仲昭俱學問淵博議論持正御史強  
珍徐鏞于大節給事中王徽王讓蕭顯賀欽工部主事黃  
純見任南京刑部員外郎林俊俱忠勇敢言直節可取武



臣則指揮同知許寧庶能驍勇軍民推服至於在位之臣  
內則太監懷恩雖稱宦臣不類同輩忠清公亮善守成法  
外則兵部尚書余子俊馬文昇之任事巡撫直隸都御史  
彭韶之剛介必詹事楊守陳工部侍郎張悅之恬退數人  
而已伏望 皇上已用者信任勿疑已去者以禮召用或  
爲三公六卿或處臺諫諸官則文武得人政事脩舉 皇  
上可以端拱無爲而天下治矣五曰禁近習夫古者宦臣  
充掖庭掃除之事傳宮禁出入之命給事左右而已後世  
人君親佞竦跡乃委之以政授之以權於是得行奸慝專  
作威福若趙高之亡秦曹節王甫之亡漢因令攷仇士良

之亡唐章賁之亡宋皆前事之明鑑也夫抵牾輩不知事  
君之大義惟以擎拳曲躬爲敬不西人君社稷爲重惟爭  
逢迎奉順爲悅故仇士良教其徒用固寵之術以爲天子不  
可令閹常以奢糜娛其耳目日新以盛無暇更知他事然  
後吾輩可以得志慎勿使之讀書親近儒生彼知前代興  
亡心知憂懼則吾輩疎斥矣後之當官佑寵設國皆祖其  
術噫思美人主盜竊威權彼計得矣其如天下生靈何其  
如人君社稷何哉 太祖高皇帝深鑒前代委任宦官之  
失雖設監劾一監常職止五人一局正副止二人官不過  
四品所掌不過洒掃供奉之事未有干預 朝廷之政也

近年一監有太監十餘員少監以下無數四方藩鎮之地  
市舶財利之處在在有之蟒龍玉帶視爲常服名位之濫  
莫此爲甚然君側之人衆所忌畏恃勢縱橫所至害人假  
稱進奉貨賂公行損 朝廷之大體奪百姓之衣食甚至  
引用奸邪排斥正士阻塞人言左道害政如梁芳陳喜輩  
雖百死不足以謝天下幸賴 皇上明聖悉皆貶黜中外  
清明人心稱快然其中亦有忠謹守法可任使令但不干  
政事使弄威柄濫設者願加裁抑在京倉庫草場馬房九  
門在外鎮守市舶倉場池礦皆非 太祖高皇帝舊設之  
數悉宜取回以免害人 皇上退朝惟寫書史自娛社殿

自持勿與狎昵受其獻物以生彼窺伺之心勿與議論聽其毀譽以亂人忠邪之正如此則政事有清明之象生民獲治安之福宦官亦無有招權得罪者矣六曰黜異端夫佛道二教自古害政爲甚佛乃西域胡人言妖路遠假輪迴生死地獄天堂之說以惑人心道則假稱老子依依釋氏又有神仙長生方士脩練之術以文奸僞皆欺世誣民充塞仁義戮殺神倫爲世大害庶民庸愚信其欺誑猶爲不可況天子之尊生則與天地同體沒則與天地配享天下百神皆其所主豈有求媚神鬼以要福哉故二帝三王之時未有佛道之教然享年永壽國祚靈長漢唐之季

佛道始盛天子庶民無不敬奉然政教廢弛禍亂相尋載  
諸史冊歷歷可見我太祖高皇帝禁人私創寺觀僧道  
不許與民俗往來其數府不過六十州不過四十縣不過  
二十無遊手遊食之民天下獲甯庶之效近年營造寺觀  
歲無寧日繁麗相勝不論財力僧尼道士充滿道路番僧  
有法王國師之號道士有真人天師之稱又有方士恠詖  
之人皆冒濫賞賜恩倖無比去歲聖濟宮脩造甫畢今歲  
永昌寺營建又成殫費財物不可勝計佛道有靈宜降福  
祥然而頻年水旱災異百姓饑凍流離先帝尋亦晏駕皆  
皇上之所親見者其法不足信也亦已明矣皇上近將

法王番僧方士邪人俱各查取革下退可謂聖明所爲出  
於尋常萬萬然不去其害不拔其根其害不息內府或有  
佛道精舍胡地塑像乞皆撤毀以絕群疑天下僧道寺觀  
亦當查究以清奸偽若以嗣位之初未欲驚駭此輩且可  
一二十年不令度人不脩寺觀使自銷鑠則數百年異端  
害政之弊至皇上而始正焉七曰省進奉夫人君極天  
下之尊固宜享天下之養然民惟邦本本固邦寧明君亦  
不以一人之欲而勞損天下之民也臣巡河一年見南京  
并四方貢獻中間可以減省如時鮮段疋兵器等類或薦  
太廟或供國用固不可缺其餘花石禽鳥虎豹皆玩好

不急之物飾簞板枋巾帽染造布帛京師亦有匠料可爲  
進貢亦不害人惟以內官監運其弊始多假如木犀龍衣  
二舡裝載足矣額外多討舡少者七八號多者十餘歸其  
餘濫討皆如其例俱滿載私貨附搭閑人往往將貢物運  
誤裹漕母起貢舡發行舡艫先後相接撐夫挽竿晝夜喧  
呼南往北來道路如織皆恃勢縱橫強索財物凌辱官吏  
驅迫軍民官司欲加盤詰輒稱御物人不敢相近怨嗟滿  
道所不忍聞東南一方民力殫矣 皇上即位之初常貢  
之外悉加裁省民皆歡呼如獲更生但所有內官仍舊監  
運不免如前害人雖有詔旨諄諄軍民恐不蒙惠也伏望

皇上念此生靈乞勅南京兵工等部會議合無今後軍器  
段疋等項該部徑自差委所屬太常寺等衙門的當官員  
進貢嚴立限期不許違悞其板枋木櫃等類每年舊滿等  
處抽分木料無數如膠漆油漆等物北方所無仍令南京  
并出產去處供送京師住坐輪班各色人匠無下萬數着  
令依式製造左爲近便若以外官不堪進奉則如寧國等  
府每年進奉梨棗等物不過止差吏役亦不見有違悞如  
此觀之則內官不必差遣朋矣伏乞停止以甦民困八日  
慎始終夫自古帝王之治在於謹始而善其終則能保天  
下之大而久矣太平之樂如大禹兢兢業業一日二日萬



幾文王自朝至於日中晏不遑暇食咸和萬民二聖者治  
道雖成功德雖隆猶慎終始不敢豫逸故能永保天命世  
齊雍熙而萬世稱仰不可及也晉武帝焚雉頭裘初政仁  
儉而末年遊宴後庭不恤國務遂起五胡之亂唐明皇焚  
珠玉錦繡躬使節儉而末年信謹好色窮奢極欲遂起天  
寶之禍二君者皆以盈成之業可恃敬畏之心不存末年  
所爲比其後侈之君殆又甚焉先治後亂爲天下後  
世笑故人君初政之美而能克終者爲尤美節初之難而  
能保晚節爲尤難 皇上即位之初求治之心如日方升  
如川方至雖大禹文王何以過此苟持此心始終不變則

唐虞三代之治復見於今日矣若少有怠忽則物欲抵隙而小人乘間則其事勢相激弊端益甚然皇上明見始終堅如金石如臣所言固萬萬無之但臣區區愛君之甚不敢不慮於未然也伏望皇上念負荷之重知保守之難兢兢業業日慎一日虚心求治常如不及不以久安而忽怠不以治安而滿假則海宇熙寧萬世無疆也

### 八事疏

毛鳳韶

臣聞人君之心與天地相爲流通而正心之功莫嚴於史故古者設右史以紀言左史以紀動我太祖高皇帝命文臣爲起居注蓋有得於是矣往者陛下有編纂御札

之命誠爲盛舉但官無定職業無專功且獨詳詞翰而畧於道德躬行之實非所以彰盛美也臣願陛下逮稽近法遴選德行文學之臣數員以史注繁銜日侍黼裳之側遇有言動政令隨即書之夜則輪宿於史館以備宣召紀錄事昭法戒則心存敬畏而念愷好樂皆得其正言行政事罔有不臧足以契天地之心而和氣應矣此所謂大本者也臣聞古者國有大事謀及庶人所以盡天下之情而求天下之是也邇者陛下詔各大臣共持國是可謂至明且遠矣臣竊以國之大事莫大於用賢退不肖賞功罰罪者矣四者定國是而是非取舍一付之公論則必治若

不定國是而以合乎己之取舍者爲是以不合乎己之取舍者爲非則必亂然非上下之情合大小之臣和則國是亦不可得而定矣臣願擴天地無私之德廣乾坤交泰之情列内外文武重臣及翰林科道官名於壁廣寄聰明博加詢訪若有所得宣示中外臣民共決是非用一人歟必衆皆以爲賢而後用退一人歟必衆皆以爲不賢而後退人苟有功不以疎賤而不賞人苟有罪不以貴戚而不罰協庶事於一中率百官於大和則人心悅而天順矣臣聞言路之通塞關天下之治亂邇者陛下詔科道官直言此自古明王不出戶庭而治天下之要道也但人之才性

不同行事亦異往年 陛下修德正蓋以示作新之方而天下臣民不識此意承風兢沮以故各官畏忌朝政不敢極言吏弊不肯盡舉此非生民之福也今 陛下納諫求言鮮有應者間有一二進言或不合聖心致蒙譴謫則中人以下之資鮮有不惴惴自保於國家何賴焉臣願念貴任之重則慎選於始念頽廢之易則愈加作興寬其罪過容其威望用其言而顯其身則言官莫不銳意敢言自朝廷以及四方無事不聞無人不畏而謗蔽之患絕 朝廷之執尊矣夫臣不得於君猶子不得於父其悲哀窮苦不可名狀邇者 陛下起用言事被謫之臣不惟中外臣

民歡呼號無歸仰 聖德雖克軍爲民之臣亦且歡聲四  
作以爲德丈既久 陛下亦必推是心及之矣蓋人情莫  
不欲盡一日之養以報其親而遠在邊徼亦莫不欲沾一  
命之榮以顯其親而等於編民又莫不欲效尺寸之勞以  
報其君而無階可達是諸臣之所望於 陛下以求遂此  
欲者其心爲甚切則其情爲獨苦其情爲獨苦則其感召  
宜獨甚也况 陛下汲汲愛人雖匹夫匹婦能恐不獲肯  
獨不念於此哉伏願推大孝以及人本人情而爲治推無  
一夫不獲之仁以及諸臣將克軍者發回爲民爲民者冠  
帶閑住人望所係者酌而用之使各遂臣子天性之欲復

際堯舜聖明之盛則誰不粉身碎骨以報 陛下以徇國  
家之急哉臣聞官多則民擾十羊九牧莫保其安而况望  
生息乎邇者 陛下詔革冗官山谷愚民亦知感泣臣謂  
革冗安民當自鎮守內臣始蓋國初無鎮守以各省有府  
衛有三司有撫按可不用矣永樂間該遼東固原山西三  
處後乃添設二十一處又有分守守備監倉市舶織造等  
項民始不勝其擾矣 陛下總攬權綱深念黎元如織造  
太監張志聰一經論劾即取回京此前代所無也今各鎮  
如故供給之繁是役之苦不可勝言况安靜行事者固有  
而生事害民者尤多在各遵者軍糧則扣及休舍在各省

者民利則侵及難豚當附群姦分授四出凌轢有司筆楚  
百姓敢怒而不敢言臣願 陛下獨斷不疑一復國初之  
舊將各處鎮守并分守守備監倉市舶織造各太監速取  
回京以昭 陛下仁惠之治往時河南川峽之民一遇饑饉  
荒多仰給於湖廣今湖廣襄陽之民亦相食矣 陛下發太  
倉之銀以濟之臣恐國計不可空虛惟各鈔關鹽場銀兩  
并武當山香錢與各衙門官錢爲可賑也然又恐有限之  
財不能濟無限之民不如弛禁通商開民自然之利也但  
湖廣貨利甚廣而苦於各王府之抽分魚利甚博而苦於  
各王府之侵奪鹽利甚急又苦於各衙門之禁革故每鹽



一斤直銀三四分矣 陛下於額徵錢糧猶且停免而此等侵塞民利至此不亦有負於 聖明也哉臣願一切嚴爲防範則衆利皆歸而荆襄實矣方今宣大各邊戎虜入套湖陝等處盜賊克熾已形之患固所當禦而未形之患尤不可不防也國家之患在西北而不在東南東南之民不識干戈乃驅百千貧民以爲民壯非游惰之輩則貪懦之夫非久役之繁則輸錢之苦而迎送上司勾攝公事各官私役遍鄉科索文紛紛百出矣臣願 陛下詔東南脩古者寓兵於農之法將在官民壯選其精銳汰其冗濫使三時務農一時講武工食止給一季之用以寬農民之力

萬一地方有警方今赴官防守事寧即放歸農而須積弊  
嚴加裁革驅之農以養其武厚其民以足其兵則東南之  
勢固矣西北之民素習弓馬饑寒切身則養亂待時萬一  
匹夫大呼則群雄起而應之矣此又不可不爲之先慮也  
臣願 陛下詔西北將各處失業之民廣召博募選其豪  
勇謀畧熟於弓馬者使抵克民壯重其管領權其部伍令  
該戶授以器械資其衣糧官府仍行重加犒賞以悅其心  
若有前弊亦加痛革恤其私使無饑寒之憂養其力以待  
征伐之用則募勇之士在我宇下內有以散奸雄之黨外  
足以消戎虜之患而西北之勢固矣方今災變相仍百姓

不安 陛下勅守令官脩舉職恭臣竊以職恭之大者莫如農事而已故洪範八政食貨爲先周漢重農李國取久此明驗也哉 國家設營田使又添設勸農使政水利食事等官著之憲綱一責成於郡縣正官其法良矣奈何行之既久人心玩愒從政者笑其鄙言事者謂其迂以致農政不脩而生民之困敝至於今極矣變而通之此其時乎臣願陛下詔設農官各布政司額內專任叅政總管勸農兼脩水利府州縣親民正官亦各以勸農繫衙門有克脩農職民安其政者雖長子孫勿易於是久任之道寓焉聖書褒美增秩賜金頒公卿則簡之群守缺臺郎則縣令

入補於是外重之勢舉焉外重則久任者安於圖治而無苟簡因循之政矣又詔有司議開力田之科農民中有務盡地力應條格者次第保明申奏量與推恩其不能者申明國初事例行罰如此則吏稱其職民安其業刑措於俗美兵強於食足而無水旱盜賊之憂矣

建言疏

王一夔

一曰正宮闈以端治本臣聞家齊而后國治國治而后天下平是家者國與天下之本未有家不齊而能治國平天下亦未有國治天下平而不本於家齊也是故三代聖賢之君莫不以齊家爲先務蓋正倫理篤恩誼所以齊家也

厚所當厚薄所當薄所以齊家也內言不出外言不入所以齊家也定尊卑之禮薄恩澤之施以廣嗣續所以齊家也凡此數事行之有一之未至則齊家之道有未盡欲國治而天下平不亦難乎傳曰福之興莫不本乎室家家之衰莫不始乎閭閻臣伏願 皇上法三代聖賢之君於凡所以齊家之道悉行之而無一之不盡善則家齊於上國自治而天下平矣二曰親大臣以詢治道高宗命傳說有曰朝夕納誨以輔台德蓋人主雖有上聖之賢亦必聽左右大臣責難陳善而後有以輔成上聖之德而致熙皞之治臣伏覩 皇上即位以來自親朝之後經筵進講之外

罕與大臣接見凡四方具奏政事得失未嘗召見內閣大  
臣與之商確裁決乃徒使之擁虛位享厚祿何耶夫大臣  
既不面議庶政則皇上所與商確裁決者必左右內臣  
而已臣愚以爲左右內臣使皆讀書知禮識達古今不蹈  
已往覆轍然亦深居禁內閤閣之疾苦人才之賢否政事  
之得失豈能一一知之詳而處之當乎況不與大臣商議  
庶政則政有缺失爲大臣者必曰此皇上與左右大臣  
裁決於中我何與焉噫上不任乎下下不受其責如此是  
豈宗社之福哉昨因玄象之儆皇上雖召內閣及文武  
大臣有所咨詢臣竊恐其驟得一承顧問又知不及此而

罷必不能盡言以上副聖心蓋人君之與大臣恒與之接論然後上下之情洽而爲大臣者庶得盡言以匡輔不逮昔唐太宗勵精圖治開館閣引用房玄齡杜如晦等二十八人更日直宿館中暇則從容燕見討論文義講求治道或至夜分然後就寢太宗勤於訪政如此是以當時君臣情合君有所願聞而臣無不言臣有所進言而君無不納此所以致貞觀之治至今膾炙人口夫以貞觀之治尚從朝夕詢訪儒臣而成況有志於唐虞之盛者乎臣伏願皇上自茲以往退朝之際即便殿召內閣文武大臣出示四方來奏俾之裁決面訂可否至於上而天變之所由召

下而民困之所由致大而禮樂刑政之當舉行小而號令  
出納之當詳審凡心有所欲一切以齊天威從容講論不  
可以天變既弭少有懈怠如此則於聖德必有大裨益  
而於政事處之自無不當萬一政有未當則大臣亦不得  
以文其過矣三曰開言路以決壅蔽臣聞國家之勢如人  
一身必血氣週流而無滯然後可以常存國家必上下情  
通而無壅然後可保長治血氣之行有或滯必賴良醫善  
藥以宣暢之上下之情有所壅必賴諫官極言以通達之  
故自古帝王未有不以從諫而興拒諫而衰者也何則人  
君樂於從諫則天下之賢者皆曰吾君喜聞過矣於是忠



言讜論日陳於前而異堯舜乎其君若不賢亦必曰某以  
直言見用於上矣於是布歷一得之愚而與利祿之得是  
賢不肖皆思直言而上下之情舉無不通矣上下之情既  
通則政無缺矣治道豈不日就於隆盛乎人君苟不能從  
諫則賢者亦曰吾君惡直矣秋何爲不守括囊之戒乃獨  
犯忌諱以自取誅戮乎其不賢者亦必曰某以諫諍遭貶  
斥矣於是競爲諂諛之術以爲仕進之計是賢不肖皆不  
復言而上下之情爲之壅遏上下之情壅遏則政多乖舛  
又豈能保長治而無虞乎臣伏觀 皇上即位之初御史  
給事中累有論列時政之缺失彈糾大臣之過惡者其後

言事之官聞以罪廢是以諫者頗少夫雷霆所震而物無  
不折霜雪所加而物無不殞者天子之威不啻雷霆也不  
啻霜雪也雖竊威和顏以誘人之直言人且畏縮不敢盡  
罄其所欲言況又厲之以威嚴加之以罪譴乎臣伏願

皇上師大禹之拜昌言成湯之不吝改過於臣下敢於  
直言極諫者其言可用則用之而顯其身其言不可用則  
置之而不加其罪則內外臣庶皆知皇上樂於納諫莫  
不直言無隱而上下之情自無不通矣四曰慎刑獄以廣  
好生臣聞自古聖帝明王未嘗不重刑辟之用故成王命  
君陳曰殷民在辟爾惟厥中是蓋君陳不拘人君以爲生

綬也伏覩 皇上見人有罪犯者或時有論斷法司唯承順其輕重常否不有所論第曰照依欽奉 聖旨發落而已噫執法之官而惟務承順如此烏在其爲執法乎昔唐太宗勅選人詐冒資蔭而不自首者死未幾有事覺者唐太宗欲綬之大理少卿戴胄奏曰據法應死太宗怒曰卿固守法而使朕失信乎胄對曰勅者出於一時之喜怒法者國家所以布大信於天下也柰何不能忍小怒而失大信乎太宗喜曰卿能執法朕復何憂矣古之法司能執法如此今之法司何獨不然乎 祖宗舊制大辟罪囚必三復而後行刑所以重民命也近者吉安府知府許總得罪

皇上命臣處決不必復奏時已昏暮法司承諾不得少有  
論列夫許總得罪之詳臣不能知但使其罪當死亦於  
祖宗之制少乖使其罪有未當不亦可矜也耶臣伏願  
皇上明勅法司今後輕重罪囚依大明律科斷其有奉  
聖旨斷遣而中間情有可矜罪有未當者許援戴冑故事  
執法陳諫至於大辟行刑務遵 祖宗舊制必三復奏而  
後處決如此則能重民命而刑罪自無不當矣五曰慎妄  
費以足財用臣聞大易有曰節以制度不傷財不害民蓋  
侈用則傷財傷財必至於害民故人君之用財其可不儉  
約之是尚乎伏見京師創建寺宇連年不息報國寺之工

甫畢崇國寺之役又興廣殿長廊務極壯麗計其所費動數十萬計雖皇上知民間疾苦不忍虛役一夫用一匠然所以酬齊夫匠之費未有不取之府庫者也夫府庫之財祖宗以來積之以賞有功備不虞者今乃費財如此臣知皇上必謂奉佛可以邀福故也是大不然昔梁武帝精專佛戒廣建寺宇其奉佛可謂至矣而武帝之世江南大亂國祚爲之已蹙是奉佛果何利益之有唐高宗廢棄佛法沙汰僧尼其不信佛法亦云至矣而享年極永開唐三百年基業是不奉佛又何灾禍之有由此觀之佛之不能灾禍人家國而奉之無益蓋亦彰彰明甚歷觀史記

凡人君大興土木有所營造悉以過書 皇上何爲廣費  
此府庫有限之財而爲此無益之事使後世史臣得書之  
以爲過乎又賣寶若人塗宗順等恒以寶若進獻內廷每  
酬其值爲賞不可勝算雖 聖旨已嘗禁約而彼進獻如  
故臣切思府庫寶若儘足以充後宮之用又何必費此有  
用之財而買此無用之物傳曰作奇技淫巧以惑上心者  
殺無赦若塗宗順等在先王之世不容於死矣臣伏乞  
皇上鑒古人節以制度傷財害民之說凡創建寺宇及所  
買寶石之費一切勅罷庶幾財不妄費而府庫充實矣

○ 陳言時政疏

余珊

臣惟今日神聖當天文運中興薄海內外皆以爲堯舜再  
作湯武重來宜必有稷契伊周爲之佐相與共成正大先  
明之業以致太平以迄天休臣等亦效愚忠披彼朔方相  
附以安也何氣化人事未免參錯聖君賢相偶不相值遂  
致陛下負堯舜湯武之資至今未有以成其大抱撥亂  
反正之材至今未有以就其功好日漸邁似不克終臣引  
領萬里憂憤填臆每欲披瀝寸丹上塵聰聰原無上事迹  
涉群疑或指臣以矯激之名加臣以干進之罪爲是下筆  
躊躇者再今幸俯賜條陳無問諫述臣不勝感泣哀悼效  
唐魏徵謹陳十漸并其致漸之由與夫杜漸之方圖終之

要爲陛下陳之願少霽威嚴審神清覽焉其一曰紀綱  
漸頹臣聞之宋儒朱熹曰綱者猶網之有綱也網非綱不  
張紀者猶絲之有紀也絲非紀不理故家無紀綱則父不  
父子不子家不可得而齊國無紀綱則君不君臣不臣國  
不可得而治天下無紀綱則中國非中國夷狄非夷狄天  
下不可得而平古之聖王知乎此必先正心以正朝廷正  
朝廷以正百官正百官以正萬民正萬民以正四夷斯齊  
勅而精隨絲率而繩聯內外協應本末畢舉所謂天下之  
紀綱也在正德間逆瑾專權假子亂政顛倒衣裳陵谷易  
處不知紀綱爲何物矣恭遇陛下起而振之一體統而



尊朝廷也。多門而專決斷於是天下之政始出於一。萬國之心始繫於尊人。謂文王綱紀四方矣。近年以來承平日久。事繁因循。政多苟簡。名實乖謬。而上下之分未定。官府異同而陟罰之法未公。紛拏泄沓。御委其勒馬駘其銜以爲在。朝廷似非在。朝廷以爲繫官省又非在。官省遂使朝廷以其心爲心。百官萬民四夷亦各以其心爲心。譬之人病大風。手足痿痺。不仁筋骨肌骸不屬。行居坐卧雖以屈伸。此紀綱之類其漸一也。其二曰風俗漸壞。臣聞相嚙爲風。相染成俗。一人唱之。百人和之。故曰吳王好劍術。百姓多瘡痍。楚王好細腰。宮中多餓死。其實由於朝廷。

之所好尚而爲士習之所轉移是故同之士也貴寒之士也賤戰國之士多縱橫西漢之士多忠厚節義重於東京清談盛於兩晉積之之久習與性成海內從風不自知覺賈誼所謂習與正人居猶生長於齊不能不齊言習與不正人居猶生長於楚不能不楚語此切至之論也古之聖王先見乎此統理人倫移易末混同天下之和衷使人皆知善之可慕而必爲皆知不善之可耻而必去而天下之人亦各自相砥礪雅操堅持初不待爵祿之褒鼎刑威之督責而後知所勸懲也正德間逆瑾等招權敝化一時士大夫無廉耻者爭先趨附日計鑽研以營貴富鑽研得效

束裝問塗甚至誨淫及於婢女雖牢執臺諫多稽首董賢  
之車父子兄弟皆垂頭萬年之末風俗波蕩無復士氣矣  
恭遇 陛下起而作之營陛乞陞者悉皆罷斥招權納賄  
者漸次誅夷一時京師風紀肅然公卿之家門無私客人  
謂帝堯於變時雍矣曾幾何時去者復來來者弗去自夫  
浮沉一世之人首掌銓衡首取一種輕美脂膏重富貴薄  
名檢之人以爲撫按推舉不足深信此輩固融不甘生事  
乃峻擢而等寵之是以諛佞風生廉介日銷甚至侯伯專  
犂劾罷更議禮儀納集組聚廉耻蕩然爾又聞市門賸開  
賈販仍舊投挑報李喪此簡書不知兵荒之下四方尅贏

骨間幾多血耶此風俗之壞其漸二也其三曰國勢漸輕  
臣聞宋儒周敦頤曰天下勢而已矣勢輕重也夫一家有  
一家之勢一國有一國之勢天下有天下之勢四夷有四  
夷之勢以身對家則身重而家輕以家對國則家重而國  
輕以國對天下則國重而天下輕以天下對四夷則天下  
重而四夷輕古之哲王有見乎此必先端其本正其則使  
在戎之勢常尊而在彼之勢常卑戎等則威立而難犯無  
下帶不測之憂彼卑則法行而易制無尾大不掉之患此  
所謂審先後權輕重之衡也在正德間國柄下移王靈不  
振宜其治家無法輕重失倫無以辨君天下制御強臣也

是以一變而有安化之叛再變而有逆璿之謀三變而有宸濠之亂恭遇 陛下攬而鎮之關石和鈞低昂在手龍驤虎步高下在心萬國諸侯王帛稽首人謂武王一怒而安天下矣近年以來政頗優柔法多縱弛遂使姦雄潛滋暗長於隱微之中威立勢成於積習之外往年戊卒殺許都御史而不究近又殺張都御史而效尤往年戊卒縛賈叅將以立威近又縛桂總兵而報怨動輒囂聚千百爲群圍繞邊城甚於黔虜挾制撫和一髮下招安之榜誰何無奈連上止兵之章是蓋廢法伸恩以復威養亂姦豪得志詭叛益堅招之靡來聚而忽散故驕虎之勢偪近於蕭牆猶鼠

之風傳笑於外國東遶妖胡效之而殺主事北遶庫役倣之而殺縣官中間殘賊殺方面要殺夫子弑父接迹天下有不忍名言者然此非 陛下不能脩身齊家端本正則也特其法令不一閭閻失人惑於鄙儒姑息之論牽於俗吏權宜之計誤於姦諛欺罔之詞是以九鼎之威不重於朝廷而反重於邊陲彌令不出於一人而反出於一二戍卒之口失今不治則方鎮之禍萌於節度此水之亂成於涇兵容可已乎此國勢之輕其漸三也其四曰夷狄漸強臣聞中國之有夷狄猶晝之有夜陽之有陰相反相從無有判然而孤立者顧彼之盛衰視我之強弱以爲嚮背耳

古謂胡虜無百年之運臣亦謂胡虜無百年之衰試以漢  
唐而下言之漢高既困於白登文帝時虜無塞中注句烽  
火通於甘泉長安未百年而有呼韓邪之來朝至明章安  
順間上谷中山之師燕然漠北之役曾無訖歲未百年也  
東漢末年匈奴款塞徙居內郡多招種落接軌連鞬未百  
年也而有五胡之雲擾自是魏分東西周齊角立楊堅并  
吞亦未存百年之久也唐之太宗大召名儒增廣學舍新  
羅高昌百濟吐蕃高麗並遣子弟入學未百年而安史倡  
亂吐蕃劫盟迄於五季契丹桀驁陷我幽燕十六州遂失  
河朔又未百年而有宋隆興澶淵之捷南北珥兵又未百

年而女貞亂華微欽北狩又未百年魏和滅金入主中國  
此天地翻覆亙古所無夷狄之禍也又未百年值我太祖  
高皇帝汎掃胡元綱常再肅及土木之難會未百年今  
去洪武百五十八年於茲矣推數循理而觀之夷虜之勢  
其可防哉臣詢之四夷莫強於北狄而北狄莫盛於吐番  
蓋古之回紇亦匈奴之種也其驚悍驍勇帶甲百萬小王  
子爲其逐遁數千里盡有其地每撫創抵掌志吞西河未  
忘也曩甘肅之圍財糧兵耳若乃東胡踣躑於遼海韃靼  
蹂躪於沙漠寇戎跳梁於西川不知凡幾族類凡幾北衆  
率皆肥馬利兵長大驍猛動輒有飛揚跋扈之氣氣數相



參又安知不有劉元海趙元昊阿骨打其人出乎其間以  
作我邊陲之厲階耶况今承平日久民不知兵兵不知將  
將不知主蓋自逆瑾以來以苞苴易將帥而其任此職者  
皆膏粱之子斯役凡流惟知附倚幽陰推剝爲事是以各  
邊軍士苦於饑寒日就彫瘵雖蒙 皇上恩詔優恤語戒  
申嚴然以七年之病元氣已耗有非一朝一夕所能平反  
也且以松茂一邊言之萬山攢簇大江中流四面番碕星  
羅奕布緣去兵燹日久生齒浩繁小者亦有數千大者不  
下數萬而糧運往來止有羊腸一線之路一番輦輶千夫  
莫當以此恃險無寧歲每年上班官軍盡出城都重慶

尋衛不下千萬方其道成父母妻子號泣以送自分無生  
還之期及其到邊迫於強番日朘月削衣糧盡依盡以供  
番捱至更番死者過半又貪官債帥百立名色巧爲科歛  
而墊載以輸請謁之門者不可勝算是以我軍益困終歲  
罷勞不得一飽而反傭工富番耕地養犬馬以自給甚至  
婦女盛塗澤倚市門以乞食也似此喪威百不當一尚望  
其赴湯蹈火扶輶先登立萬里之奇功哉舉此一邊他可  
例見大同兵變職此之由臣聞盛衰不兩立王業不偏安  
時極勢窮理當必變肉食者鄙不能早見預料爲 陛下  
亟求所以制禦之道克戰之方乃假鎮靜虛名以益無能

實跡爲必無事之言以寬主上之憂或不扶同規隱遼巡  
苟免不見虜而還而誇百年無此之捷俘殘虜而歸而勒  
萬世不朽之銘甚至粉飾捷音濫頒清賜虛張功次峻秩  
超陞所謂獨坐窮山放虎自徯門庭之寇誰其掃之此夷  
狄之強其漸四也其五曰邦本漸搖臣聞書曰民惟邦本  
本固邦寧孟軻亦曰得乎丘民而爲天子夫小民至愚而  
柔不膺一命不階寸土若無與於厥邦矣不知天聰明自  
我民聰明天明自我民明威惟天之至大而惟徵之細  
民此所以爲邦之本可畏而不可忽焉者也然何以聚民  
曰財而已財者民之心也心傷則本傷順民之心者保邦

之本也故龜錯曰人情莫不貪壽三王生之而不傷人情  
莫不欲富三王厚之而不困人情莫不欲安三王扶之而  
不危人情莫不欲逸三王節其力而不盡憊憊焉漢文言  
之使龜錯而愚人也則不足信使果智也豈非切至之論  
而可以權數少之哉哉 太祖高皇帝汎掃胡元奄有天  
下收勝國土崩瓦解之民而萃於一可謂得帝王之驅除  
矣及其爲治別無異技每以管論卽用愛人一篇書之殿  
廡自比盤銘專務以恩結人心以財養民命是以培植基  
本日益深厚保安邦土日益隆固雖內難間作民無叛志  
迫入正德逆璉銳卒爭招權無貨一時文武士大夫無耻

者納集相聚椎天下之膏脂骨髓輦載以輸權倖之門者  
動以萬計是故財用日益以竭民心日益以離怨讟交興  
海內洶洶大寇劉七等乘之倡亂於東北鄆唐等煽禍於  
西南特挺一呼諸衣數萬所逼焚劫靡有孑遺至勤王師  
十數萬奔走七八年間而未定天厭厥亂萬生 皇上起  
而興之新制初創州恤民隱積年通負一切罷除民用矢  
心含泣思奮以爲今日復觀漢官可謂文王懷保小民矣  
曾幾何時事未盡一今或反汗黃紙蠲租白紙科催冗食  
之征下及雞豚造織之需自同商賈江淮困於赤旱母子  
相食之豫苦於剽掠盜賊縱橫而川陝湖南之民則又終

歲勤動疲於供軍竭於祿米自是銷骨飲恨田野嗷嗷無  
復樂生之心矣以今觀之形拘勢格心違跡判父子兄弟  
不相保君臣上下不相維國勢搖搖如驚濤怒浪不繫之  
舟舟中人頻不變顧以爲安流臣不知其何心也此邦本  
之搖其漸五也其六曰人才漸彫臣按仲尼丁周之末而  
歎才之難得郭泰傷漢之衰而嘆人之云亡夫以成周亂  
臣十人若太公散宜生輩皆穆契皐變之派亞誠難其人  
矣至於東漢人才如李膺范滂者皆不過一節之士耳何  
謂亡之不知天生人才自足以供一代之用非必借才於  
異代人人如穆契皐變而後謂之才也彼李范之徒誠一

時賢人君子天以遺人君共濟時艱漢室不知所重孽寵  
姦邪戕賊正士而肝涉革亦不自愛互相標榜激成黨錮  
身被淫刑禍延朋友而國以殄瘁郭泰安得不傷之乎臣  
以爲人之云亡非惟君棄之亦自棄之也若枉其才而用  
之則位或不當其才才或不稱其位屈其所未盡用其所  
難知事委叢脞終焉後艱雖有其人以無人同謂之人亡  
亦可也何以明其然也三代而下尤岳氣分士無全節熟  
民事者或不悉吏幹通武略者或不解文謀才華可取節  
行不如求士於十亂之上誠難矣顧惟人君養之有素擇  
之惟謹器使之而各當耳苟君既不擇所宜又付之於枉

文使之邪間正疎間親新聞舊凌轢而播棄之而死徙之  
而謂國有其人乎哉 國家造上日久非無賢才之足用  
也自瑾銳亂政以來衣冠受禍死亡流竄椎剝幾盡值我  
皇上哀而錄之死者贈官生者還職甚至峻擢不限資格  
方是時海內之士無不感泣思奮願爲田橫之死客久矣  
何狂瞽之言有不當聖心者一鳴輒叱去昔已降調外任  
今或編配遐荒昔已禁錮終身今或無死殺陞益自呂柟  
鄒守益等去而館閣空顧清汪俊等去而部臺空張源胡  
瓊等死而科道空間有一二英傑係籍隸旅者又枉之於  
弗當之位或又往往爲權姦損固者忌其忠言之悟主才



能之勝已也多方排難曲爲安置違之俾不達以故忠邪  
牛驥之士皆得以盤據角立其間而陛下耳聾目眩亦  
聞於楚咻齊語之市熏陶銷鑠忽不自知其在鮑魚之肆  
矣焉能爲秦無人焉能爲魯多賢哉此人才之彫其漸大  
也其七曰言路漸塞臣聞夏商湯拜言改過其興也勃  
焉夏桀商辛拒諫飾非其亡也忽焉夫以一代之興亡係  
一言之從違其迹雖微而其禍甚著人主之於諫言也其  
可忽哉是故古之哲后興王炳於幾先事無微而不察言  
無微而可略苦口者比之良藥峭直者喻之從繩納以降  
其志聞以拜厥躬猶恐驕惰之易生而忠誠之不上達也

於是取諫之鼓置焉告善之旌植焉戒愼之報書焉誹謗  
之示立焉尚防其弊也又制官以言爲常言則左史書之  
行則右史書之工誦箴諫大夫規誨士傳言無人謗又恐  
其廢也每歲孟春遣人以木鐸徇於路官司相規工執藝  
事以諫其或不恭邦有常刑是以求言彌切聖德彌光俞  
咻之風通於上下彼叔末之朝淺智之君不樂讜言備好  
諛佞如護疾忌醫寧滅其身而不悟也豈足法哉我祖  
宗以來內設六科十三道外設按察司等官以司糾舉雖  
寓專責之意於科道初不以諫議名官蓋歆海內人人得  
以盡言而不徒科道爲然也自逆瑾等相繼竊柄深忌忠

言之發已姦私也專取一種輒熟易制之徒爲之鷹犬互  
塞言路蒙蔽主心以苟圖富貴於目前不顧危亡於旦夕  
一有正士少觸忌諱非遠加貶竄即痛加箠楚務置之死  
地而後已值我皇上起而錄之各正其位於是堂諫作  
敢言之風廟堂揖都俞之美凡溫育嘉客不曰所言有理  
則曰着了來說聽納如流略無抵忤方是時海內翕觀思  
見德化之成無幾日矣比來降心未懲其忿逆耳或動諸  
頑不勸諫而折人以言即臆度而虞人以詐朝進一封書  
畏千里甚至三木囊頭九泉含泣即今朝野以目無復汶  
黜張綱之流矣臣聞唐相李絳有云君尊如天臣卑如地

如有雷霆之威彼晝度夜思始歆陳十事俄而去五六及  
將以聞又憚而削其半蓋恐不測之禍及於身耳由此言  
觀之則今之諫官獎之使言尚恐不及况又訶責貶斥而  
死徙之誰肯不爲自便之計而務爲危言以取辱哉此言  
路之樂其漸七也其八曰邪正漸淆臣聞天下之事有是  
非天下之人有邪正必實見得是實見得非而後人之邪  
正不爲其所混淆也然是非之心人皆有之邪正之人獨  
不可辨乎顧惟吾性有所偏情有所溺是以雖知某爲邪  
而吾非邪之志不篤雖知某爲正而吾是正之心不堅况  
夫其人便僻側媚之態既足以蠱惑心志胥史狡獪之術又

足以眩聰明熏灼既久則與之俱化而不覺其誰爲邪誰  
爲正孰是而孰非矣今夫孔雀鸞鳳天下所共知也高德  
孺指孔雀爲鸞而愴帝信之是豈真不知哉蓋其心憊目  
眩而無見於雀與鸞耳世之是非邪正無辨於前者何以  
異此臣以爲邪人自有姦邪之情狀正人自有剛正之氣  
象陰陽各以類分是非明白易見彼忠言逆耳遠衆特立  
輕富貴重名檢舍生取義不避斧鉞之誅者必正人也正  
人之言求其是媚眉承睫伐異黨同事將祿賤名節貪生  
畏死不顧天下之利害者必邪人也邪人之言飾其非是  
在人主虛其心去其偏空吾術鑑靜以觀之耳若徒以阿

意順從爲忠臣犯顏抵忤爲逆子則姦人得以正言飾邪  
行是非顛倒邪正混淆幾何而不指崔爲竊也哉正德間  
瑾輩蒙上引用姦邪排斥正士國是日非正坐此弊 皇  
上起而裁之顯忠逐良邪正以別彰善癉惡是非以明民  
皆曉然知所趨避矣近年以來論譔將與姦邪按間飾六  
藝而文藝言假周官而奪漢政堅白異同模稜兩可君子  
者乎色莊者乎是益大姦似忠大詐似信王莽匿情於下  
士之日安石垢面於入相之初周公孔子誰其辨之臣恐  
邪正不並立是非不同途天道陽一而陰二卒之正不敵  
邪牽帷密之制將陷 陛下於群陰之主矣此邪正之淆

其漸八也其九曰君臣漸睽臣聞臯陶陳安民之謨曰同寅協恭和衷哉宋儒蔡沉釋之曰君臣當同其實畏協其恭敬誠一無間融會流通而民彝物則各得其正所謂和衷也夫君尊如天臣卑如地如雷霆之威若可畏而不可以言和矣不知天生厥后以爲民天生厥臣以爲君有一代之君必有一代之臣雲龍風虎之相從股肱耳目之相須分雖尊嚴而可畏情甚親狎而相和矣然和豈易言哉高宗之告傳說曰若作酒醴爾惟麴蘖若作和羹爾惟鹽梅盍調燮之資非臣無望矣是故臣之於君必以柔濟剛以直濟否左右規正以成其德君之於臣必以誠孚心以

意逆志殷勤開納以行其言夫然後上下一心官府一體  
敬而無失和而不同其斯以爲和乎若曰吾君也爾臣也  
天地之分也必大聲色而厲之以威必聘辨給而折之以  
詞必眩聰明而度之以詐肆爲猜忌過於狐疑耻見屈於  
正論忘受欺於姦諛則竊金之似澤動即具弓蛇之影恍  
惚成疾而君曰朕臣曰離矣尚望其同寅和衷以共成興  
王之業哉恭惟 陛下帝堯欽明成湯勇智從即位以來  
恭默思道稽察求賢敬大臣而體群臣一乎是腹心之相  
視萬無此失矣自夫大體之壞言人人殊故有不常 聖  
心者輒譴叱之死徙流罪盡置網中之當此因 陛下篤



於至孝有見於尊親而無見於聚訟之家矣而不知邪佞  
相觀巧發竒中以汙其下之名器紀綱者不少而  
陛下既以先入之言爲之而自無不合犯之而自無  
不焦者嗣是而後大臣之小臣畏慙足將進而趨趨口  
欲言而囁嚅上下峻截內中不戾寢寢睽孤於載鬼張弧  
之間正賈誼所謂天下之勢方病大腫一脛之大幾於腰  
一指之大幾於股血脉下得周流行止不可屈伸失今不  
治將入骨髓臣恐扁鵲望臣侯而走也和表之道豈其然  
哉此君臣之喉其漸九也其十曰災異漸臻臣聞漢儒董  
仲舒曰天人相與之際甚可畏也國家將有失道之敗天

迺先出災害以譴告之不知自省又出怪異以警懼之尚  
不知變而傷敗迺至以此見天心仁愛人君而欲止其亂  
也夫天積氣耳靡瞻靡顧何告戒若是之詳仁愛若是之  
篤耶不知人之所為其善惡之極實與天地流通而往來  
相應精微之氣亦與天地摩盪而上下相推事感象動一  
陰陽自然之理有非安排布置而然也況人君者天之子  
父子之間猶且呼以尤真切也哉是故父之於子喜焉而  
撫摩之固以爲愛也怒焉而鞭叱之亦爲愛也天之於君  
喜焉而告戒之固以爲愛也怒焉而譴懼之亦以爲愛也  
天既無往而不愛乎君子當無往而不敬乎父若狎恩恃

愛以爲天終不足畏也天愛不足惜也故行暴虐戕殲而  
馳驅之是爲恒君悼予天必割愛而改顧他人矣嗚呼天  
乎其可忽乎在昔正德間崇信姦回背棄天道上天垂災  
亦累矣至松迅雷烈風日食星變山崩地震水旱見龍之  
妖曾無虛日而尚不省晚年謫見寢宮一炬煨燼方且啜  
泣何嗟久矣惟天無親眷于有德仰惟 皇上降生之期  
河清三日自是城上郁郁紛紛蕭索輪囷有宋祖紫雲之  
慶又龍圖寶圖上脉墳起伏下小兒晷長數尺帝王之興  
豈偶然哉迨夫嗣登寶位初政清朗山川出雲和氣慈壽  
南山間鳳凰之聲華村產麒麟之種雖古帝王受命之符

不多讓矣近年以來胡赫斯怒天災荐興往歲東南洪水  
沒都城西北赤地連千里淮海揚波駕出三江之上京師  
地震再見十月之陰劇賊縱橫起山之東骸骨流離滿江  
以北至於兄弟母子析骸相食此古今所罕見之災也頃  
歲以來雨雹殺禽獸雷風伐樹屋遼陽軍婦產子兩頭無  
極赤風晝晦如夜而三起地震累月曾見報不絕書皆自  
西北而東南然不知其爲何祥也况陰霾之氣上薄陽精  
白晝冥冥罕有光采尤可忌乎此災異之臻其漸十也凡  
此十者天子有一無以保四海諸侯有一無以保社稷大  
夫有一無以保宗廟士庶人有一無以保其身况無有而

十備矣今陛下縱堯舜上聖之資乘湯武興王之運天眷方隆人心初戢諸福之物可致之祥宜無不得者然何以獲此於天耶臣莫得而知也嗚呼其無乃宰相召之歟非耶臣惟念國治莫先於置相置相莫要於內閣蓋其師傅之職賓友之位論道以變理陰陽宣化以運乎四時言動關君德之失得設施係天人之去留非他宰輔小臣百執事可以出入進退其間者求之古人如稷契伊周爲天下萬世之第一流始克當之今不可得而見矣就以一代之才供一代之用亦必掄選難慎求如漢陵勃之重厚唐房杜之謀斷宋韓范之救時庶免顛隳不徒執簿呼名集坐

資級備員數而已然不知今日內閣爲宰相之第一人者  
果稷契伊周之佐歟抑平勃房杜韓范之佐歟臣見其直  
不如陵厚不如勃謀斷不如房杜而救時又不如韓范遠  
甚徒以奸佞伴食怙寵上激天變下鼓民怨中失物望臣  
固以逆知其斷非天下之第一流入矣夫居天下第一等  
之位而非天下第一流之人正臣所謂有聖君無賢佐時  
不相值功不可成曾貞觀廢曆之不若則將焉用彼相矣  
進言者或死或浮或知或否顧望畏愼又不肯爲陛下  
一傾吐之而使陛下不自知覺誤於信任方倚之以就  
大事抑豈知其真宜之中元氣日耗天象日離寇難日作



其防邦家其長子孫其昌臣願陛下謹未然之防而進  
將來之陽若曰士之虞也求其為斯世也而不必如范升  
之詆誹士之出也求其順吾志也而不必如張楷之責望  
人言杞姦邪而已不覺人言外有變而內不知則是縱陰  
抑陽黨邪陷正雖有金柅之固不可止矣豈不激成天變  
也哉臣聞地者坤道也臣道也夷狄之道也法宜靜不宜  
動今地震京師且在十月者茲謂重陰相臣妨政天下不  
寧在三邊者君相不能制夷狄而夷虜侵中國積陰為水  
雨水不時則水潦為敗大水沒都城則陰沴陽小人在相  
位兵起之兆也豈不譬禽獸者國任小人而弗疑也雷



霹靂大風伐屋折木者小人在高位賢人走道也人生有  
兩首四目茲謂人禍政出多門宰相亂位四夷來侵之象  
亦風主火災賢佞不分官人無序故火失其性夫災不妄  
作變不虛生人感天應捷於桴鼓然則今日之變謂非相  
臣之積漸也耶易曰臣弑其君子弑其父非一朝一夕之  
故其所由來漸矣用辨之不早辨也夫是臣者歷事先朝  
曾無寸補每以數佞暗取寵榮既獲前轍之車莫及噬臍  
之悔此 陛下之所親見也今又曲營虛譽以欺 陛下  
於再誤若弗早辨則後車弗戒禍將焉極臣以爲此臣不  
去則紀綱益頽而風俗益壞此臣不去則國勢益輕而災

狄益強此臣不去則邦本益搖而人才益彫此臣不去則  
言路益塞而邪正益淆此臣不去則君臣益睽而災異益  
臻益之而甚不惟漸也臣請 陛下亟去之更求才無文  
武應變幾神可與共濟時艱如昔大學士楊一清惇德夙  
成木強重厚可與共臨患難如今大學士石瑤若有其人  
同置左右如不無得寧虛位以俟而不求備焉斯獎政可  
除人才可用必有上帝者默贊良弼起而協夢卜之求矣  
臣遐荒踈遠棄土之臣平生未識宰相一面去京師萬里  
豈有深怨積怒於是臣而固欲攻之以快已私也哉其所  
以反覆開論不避斧鑕之誅者區區之意以爲宰相論道

親切化原苟非其人必基禍本況其臣又爲宰相之第一  
人關係中興治忽尤爲至要至要而明詔所謂弊政未除  
人才未用正在於此故爲國長遠之慮而不敢自爲身謀  
其愚亦可見矣願 陛下齊威詳察焉至於杜漸之方非有  
他說也即此而可觀其由圖終之要不必巧術也即此而  
當及其初臣請 陛下默坐澄心試思之前日新政紀綱  
何如耶即今何以漸頹必求賢相與之講明總攝倫要以  
一體統整齊條貫以戒紛更正名分而定上下之志公賞  
罰而謹子奪之微使天下之人各承其教而莫能不歸於  
約束各從其令而莫敢有出乎範圍斯紀綱振矣然此或

可振於一時而其久未保不頽也必如宋儒朱喜所謂人  
主之心術公平正大無偏黨愛側之私然後紀綱有所繫  
而立必如詩之所謂周王壽考遐不作人而後紀綱有所  
藉而施蓋君心者紀綱之本而人才者又紀綱之用也本  
不立則其用不行故君心不能以自正必先作人以聚人  
才人才既得而後可以親君子遠小人講明義理之歸閑  
塞私邪之跡則紀綱恒振而不頽矣前日新政風俗何如  
耶即今何以漸壞必求賢相與之講明痛抑奔競以獎恬  
退旌別淑慝以表宅里使天下皆知忘利之可慕而必爲  
嗜利之可羞而必去斯風俗正矣然此或可正於一時而

其久未保不壞也必如宋儒程顥所謂脩理學校以崇尚教育之則可不日而復古尊禮師儒以風勸奮勵之庶可一道德而同俗蓋師儒者賢才之則而學校者又風俗之源也師學本正則道德不齊故人君者必慎師儒督學之選以造人才人才既成然後孝弟達於鄉曲行義著於朝廷卑弱之氣可變而盛大萎靡之勢可起而植立則風俗恒正而不壞矣前日新政國勢何如耶即今何以漸輕必求賢相與之講明申明國憲以肅軍令開首原格而窮造謀勦滅叛軍務全獲梟獍之首領歸撫師必痛革姑息之恩使人皆知京師之爲重而四方之爲輕斯國勢尊矣然

此或可尊於一時而未可以持久也臣惟我朝都燕徒以形勝要害爲固原未立有三鎮之兵後來雖調兩直隸等處官軍上京操備比當防秋率皆虛應故事未免顧此失彼作法於涼禁兵雖設有十二衛死亡差占日見孱弱殊不足以備非常而邊兵生長虜界習與性成世變風移強悍百倍近年以來內寇頻作莫可誰何往往起調邊方伏以功成是以內輕外重此輩勢成專一得以窺伺玩我京兵甘肅大同兵變由此爲今之計莫若罷直隸等處上班操軍就以宣府大同爲北鎮之兵西以延紫荊州郡爲西鎮東以近山海州郡爲東鎮北鎮因其見在不必添兵止

於東西二鎮聚積精兵各二三萬在此屯守操練以扼紫  
荆山海等處關隘仍各聽京師有事調發應援而北鎮驍  
勇者盡籍其名以送團營助操練之數每半年內將東西  
二鎮兵選撥一半兌換北鎮兵若干更番北守以易北兵  
來京操練口廩止於當身月糧及於家室輪轉循環歲以  
爲常大然則外既不失其防秋之備內可不患其猝變之  
虞彼專一之勢由此而折收強幹之成由此而堅國勢恒  
尊而不輕矣前日新政夷狄何如耶即今何以漸強必求  
賢相與之講明間以內惟陛下與群臣治之聞以外實  
總制楊一清理之無輕與交鋒而貪天功投民命於餓虎

之咏無輕與通和而失事機填民膏於虛壑之陰措克衣糧者必黜虛張功次者必誅寧我守之有餘而彼攻之不足斯夷狄制矣然此或可制於一時而亦未可以持久也臣惟備邊之法不過攻與守而已而攻守之具必先有備而後無患今之胡虜犯邊動號數十萬出於意料之所不及而戍兵數少上可分中堡隘不敢輕動以待其來來而不去始聞朝廷請給兵糧文移往來動經旬月緩不及事以致於敗正金人所謂待汝家議論定我已過河矣應變之機豈其然哉臣以爲虜之來也必有其處某處可以通虜常行者料亦不多戕於其處先備芻餉揀設精兵或募



土著共克其數緩處可數千急處可數萬也守於此命一  
大將統之不時訓練以爲戰兵專伺敵之來若敵勢銳  
我且據險按兵不與迎戰堅壁清野俾虜無所掠彼必不  
能持久可坐待其困而勢自分然後我兵奮力追躡其後  
彼若又復鳥集再圖反拒我則乘其未合勾呼各處戰兵  
四面夾擊則我以逸而當其勞彼以老而當其銳未有不  
克捷者矣至於遼東宣府大同延綏寧夏甘肅平涼等處  
邊地均入化內豈無山川險易林木䟽數虜騎趨避可守  
可屯可牧處近年以來因循怠弛斬木捕獸自損其藩籬  
壅水次沙自填其溝斬蘆得馳騁肆無顧忌爲今計莫若

勅各邊巡撫大臣復畝周巡務求其地可以屯種必得趙  
充國之金城萬斛其處可以牧放必如王毛仲之雲錦成  
群蹊若干塹隧以謹禁防增何處墩臺以明斥埃凡榆柳  
要徑可植可塞可以分據而參脩者靡不條具聽總制楊  
一清料理以責成功如往年經略花馬池等處故事則攻  
守有具臨事無倉皇失措之虞而夷虜可恒制矣前日新  
政邦本何如耶即今何以漸搖必求賢相與之講明擇守  
令而重農桑黜貪殘而清府庫減織造增添之需以寬民  
力罷工兵冗食之費以裕民財水旱預備無致流離而緩  
不可救盜賊先弭無致滋蔓而急不可圖屯田子粒固可

實徵而取軍供山澤附餘亦可查給而充祿米是皆寬一分民受一分之賜斯邦本固矣然此或可固於一時而亦未可以持久也臣惟自古救荒無善政弭盜無巧術惟在預足衣食使不爲饑寒之所迫耳然衣食有限莫能以戶給也要之可行於今其惟朱熹社倉之法爲良乎而其條件班班具在乞勅戶部頒布各郡縣擇賢能守佐責限施行未必無補也此法既行則饑寒有備而盜賊可弭仍勅兵部查照兩直隸捕盜御史亦勅各處巡守等官嚴捕預勦每年終將所在有無盜發及擒斬多少造冊奏繳以憑論功陟降茲亦遏盜之機有不可緩者至乃屯田足邊

民之要務如在漢趙充國留田金城可二千頃得粟數十萬唐韓重華開代北田三千八萬餘里得粟二十萬元自京畿海涯往藁之地立軍民萬戶府募南民耕佃歲可收粟百萬石此皆古人已試之成效而其地固在也造化之氣本無停機安有可行於古而不可行於今乎臣請陛下責各邊該道等官募壯士願屯邊者徙塞下與步兵雜耕其間若直沽通州沿海等處亦募南民與東鎮兵築堤捍水為田俱官給牛種器具勸之播時須一歲後使之自給海涯之地多在腹裏無事哨守凡在塞下者當草生之期務騎就草以為耕者遊兵防其寇鈔仍於田所聚塞列

陳部曲相仇虜雖大舉攻之不能害則戰守有備而耕者  
不憂收穫有利而逸儲可充矣是在 陛下乾斷力行不  
爲橫議所挽而或中沮爾祿米難供由於宗室蕃衍我國  
家詭膺天命將億萬載無疆之休方興未艾後何以給時  
極勢窮理當必變考之漢唐宋以來宗室子弟莫不校學  
有入仕之途有科舉之選一時得人如漢之劉向應之李  
勉李石宋之趙汝愚皆名儒碩相萬世瞻仰固未嘗無益  
於國家而有同姓之嫌也請敕禮部集議如得開此一途  
則 帝室神明之胄其才必有大過人者誠得周召毛原  
以來情周室非惟宗祧之託可綿固於萬年而官廩之常

亦可以省祿米十分之五邦本恒固而不搖矣前日新政  
人才何如耶即今何以漸彫必求賢相與之講明嚴飭銓  
選而難慎任使綜核名實而洗拔幽陰量能授職不以諛  
言而枉其才度德定位不以私恩而濫厥官顧清汪俊呂  
枬等召還京秩以備省院部臺之用張源相瓊王思等量  
加贈祿以慰忘身殉國之忠權姦嫉毀忠良再參之輿論  
吏曹承奉內閣必斷自 聖衷則遴選周防任用等信斯  
人才盛矣然此或可盛於一時而亦未可以持久也臣惟  
今日選才莫先於學校而學校之教莫要於立師古者大  
司徒以鄉三物教萬民而賓興其賢者能者其得人之盛

莫可尚已漢唐而下雖有太學郡縣等學以養上賢良孝  
廉明經進士等科以取士要皆師道未立名實乖謬會未  
得古人才十之一奈何欲效周官之治乎哉 聖祖立國  
之初最重師儒之職非明經宿儒不得充補是選故師道  
尊嚴一時得人於斯為盛延世以來進士滋多不以是職  
為重每強甲科下第舉人任之有不願就者止以一種無  
學術無節行歲貢老生充位而已所在上司每以奴隸之  
師之云乎至督學之臣雖掄選而來亦多未稱况已以口  
耳之昏昏而律人以聖賢之昭昭誰其信之且所督地方  
動經數千里雖逡巡二三年未得一遍至有終歲勒符燈

火朝翔不經品題而輒復遷去者皆是模不模範不範士  
無所依歸竟流於下而已中間亦有剽竊詞華倖登科第  
者凡以獻之天子之庭亦不過前日之所養也是安得有  
其人乎請今後校學之官不必廣授濫設如是之多惟精  
選者儒宿學才行之士試中而後授略倣宋元舊故事天  
下郡縣學不過五六十或七八十員而已仍責內外大臣  
藩臬等官一以師禮相遇無使奔趨跪拜至於奴賤則彼  
皆以道自尊而人亦等之樂於教育無負厥師矣其督學  
憲臣選之亦不徒學行之優也又必求其年力精敏甘淡  
薄耐辛苦者爲之責撫按官督催巡歷無間險遠每年一



調如得異才加人數等者每年終將試卷封送禮部勘實  
通其姓名於朝廷而師儒督學率以九年爲滿課其德業  
徑陞京秩以酬其勞如是常才及不稱職者先後查黜亦  
不許妄呈禮部至有冗濫之失其果累試異等曾無過犯  
或阨於時命累科不第以致歲月蹉跎者量授一官如今  
待詔文壁故事無使後日貽黃巢李振落第之患斯猶賢  
有素取才無窮人才恒盛而不彫矣前日新政言路何如  
耶即今何以漸塞必求賢相與之講明彼之曲折難容哉  
必有不公之事我於甘言易受彼必有曲順之情不然何  
彼不樂生寧拂我以去是無求於我者也不亦賢乎何此

不肯死寧順我以起是有求於我者也不亦佞乎於是降情以納其面折正色以拒其甘言辯者不折之以詞狂者不厲之以威有因言而謫如呂柟等者還其官職有秉直而死如張源等者錄其子孫或復唐輪對之制或申宋辱臺之罰如此則下無不盡之言上無不知之事而言路通矣然此或可通於一時未能保其久而不塞也臣聞漢有言變如鉤得封侯直如弦死道邊自古枉道易合直道難容彼直臣者爲姦佞者眼中之丁必欲拔去而後已豈容久於其位得盡所言哉且如漢張綱理輪直使也而爲梁冀所恨使之刺廣陵幾爲賊張嬰所陷唐顏真卿三朝者

直也而爲盧杞所嫉遺之使許州竟爲李希烈所殺或又  
陽爲推重陰加排沮如朱异間侍讀徐擒願補郡守李林  
甫貽侍即盧絢自讀眉詹凡此陰謀不可數計苟非其人  
剛直出於天性卓然不爲利害所搖惑者安能自立於朝  
耶縱有其人矣而或寡學術短才辯不足以發難顯之情  
有其才矣又賦性姦回宅心閃倏不肯少輸而折之意求  
如唐陸贄精忠辯達上不負天子下不負所學三百年間  
幾何人哉此又求言者不可不深察而曲成之也臣請  
陛下繼自今遇科道之臣必因人而試其言因言以察其  
心務求賢否之必得仍勅吏部查成弘之世以言官章疏

之多寡而爲考察陟降之上下苟有直聲動朝廷英名翕  
赫者必使之常侍左右以終其職若無故列名銓注外補  
及反間遷謫私假差使者此即權奸扶同欺罔陷害忠良  
冀異慮李之故智也則反坐而抵罪之斯忠臣得行其志  
姦臣難遂其私言路恒通而不塞矣前日新政邪正何如  
耶即今何以漸濟必求賢相與之講明彼邪人之行偽而  
其說巧巧者愛所由來正人之行實而其言拙拙者惡所  
由至巧愛易投吾且勿愛而觀其行偽斯得矣拙惡易犯  
吾且勿惡而省其私實斯得矣又必講學窮理以致其知  
博問延訪以辨其才不輕假顏色而爲其伺察不輕泄辭

令而為其逆探絕胡廣之中庸誅味道之兩可斯邪正別  
矣然此或可別於一時未能保其久而不渝也臣惟天下  
之道二正與邪而已矣出乎此則入乎彼差之毫釐謬以  
千里邪正之間治亂判焉苟非察於人倫明於物理之極  
致確乎不為他岐之所惑者幾何不流於楊氏為我而無  
君墨氏兼愛而無父也哉如此之人世亦不少嘗見褒衣  
博帶服巾而毅然者今世號為道學倡引生徒宴多黨與  
或匿跡於古僻幽深之寺或棲身於寬閑泉野之堂開口  
高談窮搜天外在鑿附會妄詆聖賢海內慕名從風而靡  
以致優仕乃持此以而謀王猷斷國論其害有不可勝言者

臣惟王安石宋室名臣文章節行高一世非不可慕而可  
竒也直以學術之偏變更新法耗宋家三百年之元氣以  
訖於亡可不戒哉臣請 陛下留神聰察務得其人申明  
我 聖祖學規之戒今後儒學科舉之士及選拔進納之  
臣務宜從正數陳正道不許縱橫曲說必有偏邪違者治  
罪罷斥若有以其言纂集成帙眩惑人心違害無窮者即  
毀其版而火其書仍以非聖之罪罪之斯邪正恒別而不  
淆矣前日新政君臣何如耶即今何以漸睽必求賢相與  
之講明按前中之在帝慶千載之明良敬大臣以恤股肱  
體群臣而通耳目推誠撫御使彼我之性情浹洽虛心聽

納使上下之血脉周流仍勅吏部通查前日以讒去位十數餘人召還館閣部臺肅其狂昧於既往期其策勵於將來以示戒之能容以表我之不校是即帝光之任賢勿貳成湯之改過不吝而君臣諧矣然此但一時允諧之盛而非可久之道也臣惟明良之歌唐虞所以喜起於股肱耳目康鳴之詩周王所以燕樂於群臣鼎鼐蓋取永言諷詠以協上下之情飲食聚會以誘忠告之益非徒一於勢分之尊嚴而惟口腹之好樂也漢唐而下若高祖宴於長樂群臣次起上壽武帝宴於柏梁群臣即席賦詩唐之太宗丹霄積翠之宴君臣得詢貞觀治要其雍容氣象可想見

於當時至於上元觀燈觀稼較獵苑中當花釣魚之類此  
又宋之君臣不知和會之慶也我聖祖萬幾之暇亦有  
君臣同遊之語文皇以後早午晚一日三朝每御便殿  
訪求治理慶成臘八端午諸宴稍錯交舉未聞有間是豈  
輕於狎昵不知省費之經耶蓋歆君臣常常接見以為治  
道慮耳故一時君臣若三楊三劉諸學士情款日密嫌隙  
不生得保令終以全功名通年以來早朝之外已廢午晚  
雖慶成經筵盛大典禮間亦舉行近見邸報又稱地方多  
事明年慶成宴免辦臣不勝駭異夫所謂慶成者以君臣  
共成太平所以簪花啖酒而慶之也今惜小費而廢大典



是慶不可成而天下無太平之期期豈不貽四方觀笑昔  
逆瑾時慶成替花偶遺天下太平凶寧不藉餘年時以爲  
先徵况今片與其宴而恭能之乎慶非太平之象也臣請  
陛下繼自今早朝之暇用舉午晚以訪治道慶成經筵凡  
大燕會時舉下慶以親群臣則上下交孚恩威並用而恒  
不勝矣至於災異之漸臻由於九漸之未止九漸既杜則  
天地交泰萬物和暢以和召和而天休必至可十全矣尚  
何災異之足慮哉雖然圖終之要下外此十事十事之內  
尤莫要乎人才蓋人才者天地之紀萬化之源也方今盛  
世何患無才但時入後天一陰當年精醇之氣有限人才

之出不常如顧清汪俊呂祖豐熊郁守益華章雖未可媲  
美伊周求之當世亦未有能超然出其右者偶以謗言不  
實學術不同或議禮未當遽置之閑散編配流落之間恐  
非中興之象也今幸承明詔求言爰及人才未用臣以爲  
帝德光天格于上下萬邦恭獻其惟帝臣豈復有遺賢之  
歎臣願 陛下擴包荒之度憐救時之才召而用之以圖  
惟厥終其言行政事必有可觀者臣不勝慙慙臣又惟帝  
王之孝莫大乎以志養也臣在 先朝獲親我 恭穆獻  
皇帝之治國也專以勤學好問爲本源容物好賢爲先務  
每退朝之燕絕跡寢宮留神書館日召紀善等官講解經

錢一有未明親書條段出而審問至再至三務得諸心而後已不樂宴遊雖陽春白雪之臺未見一登不好聲色雖楚腰莫愁之麗未見一選臨朝端穆禮士殷勤亦未見有輕假辭色令人得以窺測其涵養本源如此是以智慮日益精明懿望日益隆重雖河間之大雅不群東平之爲善最樂不得專美於前矣至於處豪強無并之家待羣厲强悍之士率皆含汙納垢但質之朝廷付之有司而已初未有幾微見於言面輒以刑威勢劫使人措躬之無地也其恕人容物又如此惟其積累之厚故其發達之深詭生皇上以爲聖子繼述文武以有天下今尊有聖號特稱皇

帝可謂尊之至矣廟號觀德祀以天子又可謂養之至矣  
聖孝如天雖帝舜之至孝武王之達孝何以加此顧於議  
禮之臣言偶未合輒以悖逆加之謫配死竄朝寧爲之一  
空似非哉 獻皇帝平日好賢禮士之至情恕人容物之  
聖志也苟不得其志雖尊以天子之貴養以天子之富庸  
安乎然則 陛下何不起而用之各還其職以駿奔走於  
觀德廟中濟濟多士秉文之德升歌於堂依我磬聲以樂  
我 獻皇帝含咲於九成文武臣民騰歡於四海則正孟  
軻所謂事親可如曾參之養志楊雄所謂寧親莫大得四  
海之歡心不亦純孝至極史書萬古出虞帝周武之上也

哉然其本不在乎遠求而惟在法我 獻皇帝之清心寡  
慾其道不在乎多言而惟在法我 獻皇帝之勤學好問  
其術不在乎泛爲而惟在法我 獻皇帝之容人恕物於  
此而又卜賢相以師之屏姦邪以守之進科道以扶之如  
此而舊章不復弊政不除人才不用生民不安邊儲不飭  
軍儲不充十漸不杜五事不脩天變不彌中興不成臣未  
之聞也